

Di e buki "Het sterven van Rebecca Lopez Ikario"

Diaranzon awor tin encuentro cu autor Denis Henriquez



ORANJESTAD (AAN): Diaranson awor, 8 di februari, autor Denis Henriquez ta na biblioteca pa presentacion di su ultimo novela 'Het sterven van Rebecca Lopez Ikario'. E programa ta

cuminsa 8or y ta tuma lugar den hardin di departamento Arubiana/Caribiana na Bachstraat 5 na Playa.

Dr. Wim Rutgers ta haci e introduccion y despues autor

Denis Henriquez ta conta algo di su bukinan y kico ta su inspiracion pa skirbi. Tambe Denis Henriquez ta elabora riba e relacion di su 4 novelanan na Hulandes den contexto di historia di Aruba di ultimo cincuenta aña. Denis Henriquez ('45) ta bon conoci den mundo literario di reino. Algun obra cu por menciona di Denis ta e.o.: Ariba tereno di teatro: 'Mayan Dalia lo ta mi Dalia' (1978), 'Fenchi a gana premio mayo' (1981), 'The Mad T-party' (1983) y 'E soño di Alica' (1988). Den obranan di poesia un titulo conoci ta: 'Kas Pabao' (1988). Mas reciën: 'Lenga di mi mama' y 'Aruban landscapes'. Novelanan cu Denis Henriquez a skirbi ta: Zuidstraat (1992), Delft Blues (1995) y 'De zomer van Alejandro Bulos' (1999) y e ultimo 'Het sterven van Rebecca Lopez Ikario' (2016). Denis Henriquez ta conoci cerca studiantenan di tur tempo cu a scohe pa lesa 'Zuidstraat' pa nan lista di Arubaanse literatuur. Su novelanan ta duna e lesador un bista di e bida den un caya of barío na Oranjestad den añanan cincuenta y sesenta di siglo pasa. Lo tin oportunidad pa haci e autor pregunta riba su storianan y poesia. Un invitacion ta bay pa publico en general.

E encuentro ta tuma lugar otro siman diaranson 8 di februari den hardin di departamento Arubiana/Caribiana na Bachstraat 5, Oranjestad, di 8or pa 10or di anochi. Bo(so) presencia ta hopi aprecia.

